



Inatsisartunut ilaasortat  
Knud Kristiansen aamma Siverth K. Heilmann  
Atassut

15. november 2010  
Sagsnr. 2010-024961  
Dok. Nr. 504845

**§ 36 naapertorlugu nunatsinni konstruktøritut ilinniartitaanermet pilersaarutit pillugit apeqqummut nr. 2010-242-mut akissut**

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: kiiin@gh.gl  
www.nanoq.gl

Asakka Inatsisartunut ilaasortat Knud Kristiansen aamma Siverth K. Heilmann, Atassut.

Maani nunatsinni konstruktøritut ilinniartitaanermet pilersaarutit pillugit apeqqutitut Naalakkersuisut qujapput.

**Apeqqut:**

**Konstruktør-tut ilinniartitaaneq nunatsinni ilinniartitaassutigineqalerniarpa, imaluunniit tassunga ilinniartitaanermet periarfissat pillugit Naalakkersuisut qanoq iliuseqalersaarpat?**

**Akissut:**

Naalakkersuisut konstruktøritut ilinniartitaanerup Nunatsinnut nunneqarnissaanut aalajangersimasunik pilersaaruteqanngillat.

Taamaattorli Sanaartornermik Ilinniarfiup 2011-13-imt angusassat pillugit isumaqatigiisummi 2012-imi byggeteknikeritut ilinniartitaanerup aallartinneqarnissaanik kissaateqarneq ilannguppa.

Byggeteknikeritut ilinniartitaaneq imartuujuvoq, tamatumani ilinniartut sanaartugassani minnerni sorpassuit ataqatigiissaarneqarnissaannut piumasaqaateqaleriartuinnarnermik isumaginnissinnaanngortinneqartarlutik. Byggeteknikeritut ilinniartitaaneq ukiunik marlunnik sivisussuseqarpoq. Bygningskonstruktøritut ilinniaqqittoqarsinnaavoq.

Konstruktøritut ilinniartitaaneq ilinniartitaaneruvoq akunnattumik sivisussusilik, tassani ilinniartut ukiut sisamaata affaata kingorna bygningskonstruktionimi atorfinnissaq siunertaralugu bachelorinningsinnaallutik.

Bygningskonstruktørit sanaartornermik suliassaqarfimmik tamarmiusumik suliffeqartarput. Konstruktørit entreprenørit suliassaqarfianni, illussanik titartaasarfinni, ingeniørit suliassaqarfianni il.il. sulisinnaapput.

Takuneqarsinnaasut sanaartornermik suliassaqarfimmit kissaatigineqarpoq byggeteknikeritut ilinniartitaaneq byggekonstruktøritut ilinniartitaanivimmik aallartisisinnaatitsilerfiusartoq aallartinniarlugu iliuuseqartoqassasoq.

Allaaserinninnertaata 2011-mi aallartinneqarnissaa 2012-imilu naammassineqarnissaa pilersaarutaavoq. Taamaalilluni ilinniartitaaneq 2012-imi aggustimi aallartissinnaassaaq.

Naalakkersuisut 2012-imut aningaasanut inatsisiliornermut atatillugu maani nunatsinni byggeteknikeritut ilinniartitaanermik aallartitsinissaq pillugu suliassaqarfimmit kissaatigineqartumut isummissapput.

Taamaattorli konstruktøritut ilinniartitaaniviup ukiuni tulliuttuni qaninnerni nunatsinnut nuunneqarnissaa suliassaqarfimmit oqaatigineqanngilaq. Misilittakkalli paasinarsisippaat ilinniartitaanerup ilaanik nunatsinnut nuussineq ingerlaqqiffiusutut ilinniartitaanernik nuussinissamik kissaateqarfiukkajuttartut.

Inussiarnersumik inuulluaqqusillunga

Mimi Karlsen